

عاد توفيق الحكيم يقول: كان بينى وبين الموت شعره والدكاترة كانوا واقفين منتظرين آخر دقة يدقها قلبي علشان يعلنوا وفاتي ولكن المدهش أن قلبي رجع اشتغل تانى.. والنبض يعلى ويعلى كما لو أن ربنا بيقول لى استنى .. انت مش حتموت دلوقت ..

قلت له: توفيق بيه - كنت حاسس باللحظات دى.. كانت عندك إرادة الحياة وانتصرت بها .. قال بعصبيته النشطة: إرادة حياة مين؟ أنا كان عندى إرادة الموت.. سألت اخوانا الأطباء طيب ليه.. إيه الفائدة من حياتى لو طالت.. قالوا لى علشان نمتعنا - ليه هوه أنا مطرب.. يقولوا لى لا علشان تكتب لنا؟ مين يقول الكلام ده.. هوه أنا لسه حاكتب تانى.. أنا عايز حاجة لها قيمة. مهمة غير الكتابة.. الناس لو بتقرا كان يبقى فيه أمل.. لكن الناس النهارده للأسف لا تريد القراءة.. وإذا قرأت فهمى تريد المقال الطازج السخن.. لكن أنا ليس عندى غير ذكريات قديمة وحياة قديمة.. والناس عاوزه الطازة.. عاوزه الجديد.. وانا بقيت روبايبكيا..

توفيق الحكيم روبايبكيا..

هكذا كان شعوره بالفعل.. وزاد من هذا الشعور احساس الوحدة التى راح يعيشها فى المستشفى معزولا عن العالم.. ولم أتركه.. رحى أغوص فى أعماق أفكاره حتى استطعت أن انتزع رداء الكأبة الذى كان يرتديه.. وفى يوم الأحد ٩ يوليو عام ١٩٨٤ وكنت أكتب مقالا أسبوعيا فى صفحة الرأى بصحيفة الأهرام نشرت الجزء الأول من حوارى مع توفيق الحكيم وقد أعطيته عنوان: ثرثرة مع الحكيم على فراش المرض. أنا متفرج من عالم آخر لا يتمتع بشيء فى عالم اليوم